

法令一

諭旨

七月初二日內閣奉 上諭陳夔龍奏春電奏悉澧州永順辰州等屬山水暴發河流驟漲致有漂沒田廬損傷人口情事殊堪惻憫著該督撫嚴飭印委各員詳細勘查切實撫恤以惠災黎而免失所仍將續查情形隨時奏聞欽此

七月初三日內閣奉 上諭據禁烟大臣恭親王溥偉等奏大員迹涉朦混未肯據實自陳請旨懲處一摺禁烟爲朝廷自強要政迭經三令五申身爲大員宜如何力除痼疾以爲民先若如所奏文海載昌夙患烟癮竟自註確無嗜好似此任意朦混自應亟予懲處內閣學士文海載昌著卽行革職以肅官常而挽頹風欽此 同日奉 上諭那桐等奏查驗第一期報到薦舉各員分別加考覆陳一摺前因時勢艱難需才孔亟諭令內外臣工切實薦舉並

法令一

諭旨

派那桐等查驗詢問茲據奏稱將報到之內閣中書周嵩堯等按照原保事實詳細詢問加具考語開單呈覽所有分發內閣中書周嵩堯陸軍部主事惠崇陸軍部科長陳槐湖南卽用知縣熊範興著查驗大臣那桐等帶領引見翰林院編修袁嘉穀郭則澐林炳章外務部員外郎曹汝霖民政部左參議延鴻民政部參事章宗祥民政部郎中陸宗輿銀行正監督張允言度支部右丞傅蘭泰度支部左參議會習經署度支部右參議程利川度支部郎中晏安瀾管象頤學部參事江瀚農工商部郎中胡祥鏐給事中朱顯廷四川成都府遺缺知府成昌候補三院卿誠璋署直隸清河道熙臣候選道李熙山西汾州府知府紹彝河南保送知府胡鼎彝著自七月十六日起按照名次先後每日二員呈遞膳牌伺候召見如是日未經召見仍於次日預備其餘各員以次遞推欽此 同日奉 上諭熙彥現在穿孝農工商部左侍郎著耆齡署理欽此 七月初四日內閣奉 上諭朕欽奉 慈禧端佑康頤昭

戊申

法令一 諭旨

二 八月

豫莊誠壽恭欽獻崇熙皇太后懿旨前據陳寶龍電奏湖北霪潦爲災當經諭令趕辦急賑並將續查情形具報茲據查明電奏黃岡麻城黃安三處災情最重居民蕩析流離慘不忍睹餘如漢陽府屬之夏口黃陂漢川荊州府屬

之江陵監利石首安陸府屬之潛江宜昌府屬之興山等處均多被淹等語覽奏殊堪憫惻加恩著賞給帑銀六萬兩由度支部給發著該督派委妥員前往災區切實散放務令實惠均霑毋任失所用副朝廷軫念災黎至意餘著照所請辦理該部知道欽此

七月初七日奉 旨翰林院侍講著程毓林補授欽此

七月初九日內閣奉 上諭馮汝駮奏特參庸劣知縣各員請旨懲處一摺浙江署理甯海縣宣平縣知縣曹元愷嗜好甚深門丁用事婪索呈費民怨沸騰試用知縣潘崇桂代理臨海縣七閱月並未審結一案任聽幕友家丁營私舞弊候補知縣盧士鴻署理臨安縣知縣玩視民瘼聽斷糊塗試用知縣洪錫初署理鄞縣縱任丁役藉案苛罰

候補知縣左忠勳譴見卑鄙趨向不端試用知縣白曾蔭庸陋無能聲名甚劣均著即行革職以肅官方該部知道欽此

七月初十日內閣奉 上諭八月初五日祭社稷壇朕親詣行禮欽此 同日奉 上諭雲南臨安府知府員缺著李世楷補授欽此

七月十二日內閣奉 上諭聯魁奏特參貪劣不職各員請旨懲處一摺新疆巴楚州知州張瑛光採買累民玩視公令溫宿縣知縣魯鼎緒馭下不嚴浮收草價前署洛浦縣知縣候補知縣顏廷奎徵草違章工於牟利候補知縣姚榮炳貪殘暴戾民怨甚深朱佩衡行檢有虧被人指控張舒鐸勒索愚氓事發狡避柯坪縣丞潘宗岳任性妄爲鹵莽債事候補府經歷會壽鈞營私嗜利膽大妄爲候補縣丞施再萌侵吞公款惟利是圖英吉沙爾廳照磨彭善田制行不謹有玷官箴候補巡檢童光昭行止不端被控有案常立庭身家不清行爲卑鄙康炳森纏訟不休行同

無賴代理輪臺縣知縣署輪臺縣典史候補巡檢蕭學誠
假公濟私利心太重前署沙雅縣典史候補巡檢蘇楷貪
汙不法有玷官常均著即行革職莎車府知府甘曜湘委
靡不振難資表率前署和闐直隸州候補直隸州知州捐
升知府車玉衡性嗜奔競頗滋物議均著以通判降補准
補布庫大使譚承璠年少喜事不知檢束著開缺另補餘
著照所議辦理該部知道欽此

七月十三日內閣奉 上諭廣東勸業道著陳望曾補授
欽此 同日奉 上諭張人駿奏請將已革提督蘇元春
量予恩施保全末路等語蘇元春著加恩准其釋回欽此
七月十四日內閣奉 上諭廣東巡警道員缺著王秉必
補授欽此

七月十六日內閣奉 上諭外務部左參議著吳品珩署
理欽此

七月十七日內閣奉 上諭近聞沿江沿海暨南北各省
設有政聞社名目內多悖逆要犯廣斂實財糾結黨類託

名研究時務陰煽亂擾害治安若不嚴行查禁恐將敗
壞大局著民政部各省督撫步軍統領順天府嚴密查訪
認真禁止遇有此項社夥即行嚴拿懲辦勿稍疏縱致釀
巨患欽此 同日奉 旨翰林院撰文著李哲明補授欽
此

七月十九日內閣奉 上諭沈瑜慶奏特參劣員以肅吏
治一摺江西調署都昌縣新昌縣知縣周宗洛操守不堅
老而務得前署萬年縣候補知縣王之楨見解荒謬不理
學務候補通判洪嘉蔭招搖撞騙行同無賴前署贛縣教
諭候選訓導鄧汝霖祖庇劣生把持詞訟廣昌縣白水司
巡檢林樹年縱役擾民擇肥而噬前署清江縣典史候補
典史吳家珪行為鄙謬有玷官箴均著即行革職洪嘉蔭
並著驅逐回籍勿令逗留滋事管帶巡防隊右路第十三
營候補副將楊秀元空糧缺額習氣太深著一併革職餘
照所議辦理該部知道欽此
七月二十三日內閣奉 上諭朕欽奉 慈禧端佑康頤

法令一 諭旨

昭豫莊誠壽恭欽獻崇熙皇太后懿旨前據陳夔龍岑春
煒電奏湖南澧州等處被水成災當經諭令切實撫恤並
將續查情形隨時奏報茲據查明電奏此次水災以澧州
爲最重石門次之田廬淹沒畜產漂流小民蕩析離居嗷
嗷待哺餘如安福慈利安鄉南洲龍陽沅江古丈坪沅陵
等廳縣均多被淹等語覽奏殊堪憫惻加恩著賞給帑銀
四萬兩由度支部給發著該督撫等督飭印委各員核實
散放並籌撥款項接辦常賑設局平糶妥實經理務使實
惠均霑毋任失所用副朝廷軫念災黎至意餘著照所議
辦理該部知道欽此 同日奉 上諭直隸宣化府知府
員缺著高熙詰補授欽此 同日奉 上諭農工商部奏
籌議華商創興瓊崖地利事宜酌擬辦法一摺著派三品
卿銜胡國廉總理瓊崖墾礦事宜其有關涉地方他項商
民利害事務應會同地方官妥商辦理餘依議欽此
七月二十四日內閣奉 上諭琿春副都統著郭宗熙署
理欽此

四 八月

七月二十五日奉 旨崇文門正監督著溥偉去副監督
著寶熙去欽此 同日內閣奉 上諭安徽皖南道員缺
著楊文駿補授欽此
七月二十七日奉 旨那晉著補授內閣學士兼禮部侍
郎銜欽此 同日奉 旨耆齡著補授內閣學士兼禮部
侍郎銜欽此 同日內閣奉 上諭農工商部左丞著李
國杰補授郵傳部左丞著李焜瀛補授欽此 同日奉
上諭順天府奏功德林習藝所罪犯人數倍增請加撥米
石一摺著加恩卽照所請每月加撥倉米六十石由順天
府具領發交該所妥爲散放以廣恩施該衙門知道欽此
同日奉 上諭雲南邊務重要交涉繁難應比照東三
省官制設立交涉使司以專責成雲南交涉使司交涉使
卽著高而謙補授欽此 同日奉 上諭雲南臨安開廣
道員缺著王正雅補授欽此
七月二十八日奉 旨鑲紅旗蒙古副都統著承祐補授
欽此